

BENGKEL PENDIDIKAN KESIHATAN MENGHADAPI BANJIR BANTU SUKARELAWAN BUAT PERSEDIAAN AWAL

6.12.2015 Ahad : Negara telah dikejutkan dengan kejadian banjir besar yang melanda beberapa negeri di seluruh Malaysia pada awal tahun lalu. Pihak iM4u telah menghantar sejumlah besar sukarelawan untuk membantu penduduk di kawasan-kawasan yang terjejas seperti bantuan keperluan asas, bantuan tenaga untuk membersihkan kawasan dan bantuan kaunseling. Oleh yang demikian, pihak iM4U PSP kali ini telah mengadakan program Bengkel Pendidikan Kesihatan Menghadapi Banjir sebagai langkah persediaan untuk sukarelawan jika bantuan mereka diperlukan kelak.

Bengkel ini telah diadakan pada 6 Disember 2015, bertempat di Kampus Kejuruteraan Universiti Sains Malaysia Nibong Tebal, Pulau Pinang. Program yang berlangsung pada jam 8.00 pagi hingga 5.30 petang ini telah dianjurkan oleh 1 Malaysia For Youth (iM4U), Politeknik Seberang Perai (PSP) dan Majlis Belia Negeri Pulau Pinang dengan anjuran bersama oleh Kementerian Kesihatan Malaysia dan GiatMara. Majlis Perasmian telah disempurnakan oleh YBhg. Ustaz Ezaq Taufeeq Bin Abdul Razak, Pengerusi Biro Kebajikan dan Keselamatan Majlis Belia Negeri Pulau Pinang (MBNPP). Turut hadir ialah Encik Sulaiman Bin Abdullah dan SR (Associate) Kamarul Ariffin Bin Abdul Rashid dari PSP serta para penceramah daripada Kementerian Kesihatan Malaysia (KKM) dan GiatMara.

Seramai 100 orang pelajar PSP telah mengambil bahagian dalam program yang mengandungi 7 slot ini iaitu Slot Aspek Keselamatan Sukarelawan, Slot Kemahiran Komunikasi dan Interaksi, Slot Asas Teknikal dan Aspek Keselamatan, Slot Pengetahuan Tentang Ubat-Ubatan, Slot Asas Kaunseling dan Pemujukan, Slot Minda Sihat Kanak-Kanak, dan Slot Pengetahuan Penyakit Berkaitan Banjir. Melalui program seperti ini, para peserta dapat menambahkan pengetahuan mereka dan seterusnya lebih bersedia untuk bergelar sukarelawan bagi misi bantuan bencana banjir yang akan datang.

GALERI AKTIVITI



Barisan tetamu kehormat dan antara penceramah yang hadir



Antara penceramah yang mengisi slot dalam program ini. Mereka juga terdiri daripada golongan doktor dan ahli farmasi.



Sebahagian peserta yang sedang khusyuk mengikuti program



Para sukarelawan bergambar bersama para pegawai dan penceramah yang turut sama membantu dalam kelancaran program